



## Mai

Erwacht isch e wunderschöne Maietag,  
überau blüejts, uf de Matte u im Hag,  
d'Böjm si gschnitzt us guetem Houz,  
trage ihri Blüete mit ganzem Stouz,  
d'Farbepracht isch venomenal,  
s'isch es Wettlüchte mit em Sunnestrahl.

Dr Öpfuboum leit ds Sunntigsgwändli a  
o d'Chirschböim stöh prächtig da,  
mit ihrem Duft zieh si d'Beieli a,  
sy flüege umenang blibe chum stah  
u ds Vögeli uf em Boum  
singt: dä Duft isch e Troum.